



1. მიზანი და ამოცანები:

მემორიალი მიზნად ისახავს:

- საქართველოში კალათბურთის განვითარებას და პოპულარიზაციას;
- კლუბების სათამაშო კლასის ამაღლებას და წარმოადგენს ჩემპიონატისთვის მზადების ერთ-ერთ ეტაპს;

2. მემორიალის ხელმძღვანელობა:

მემორიალის ორგანიზებას და ჩატარებას ხელმძღვანელობს ს.კ.ე.ფ. საშეჯიბრო დეპარტამენტის მეშვეობით.

3. ჩატარების დრო და ადგილი:

3.1. მემორიალის თამაშები გაიმართება 2016 წლის 5 ოქტომბრიდან 9 ოქტომბრის ჩათვლით ქ. თბილისის ახალი სპორტის სასახლის დარბაზში.

4. მონაწილე გუნდები, ჩატარების სისტემა.

4.1. მემორიალში მონაწილეობენ სუპერლიგის გუნდები სურვილის მიხედვით, რომლებიც ორ ჯგუფში არიან თავმოყრილნი (დანართი №1)

- გუნდები ჯგუფებში ითამაშებენ წრიული სისტემით ერთ წრედ.
- ერთი წრის შემდეგ ჯგუფებში პირველ ადგილზე გასული გუნდები ითამაშებენ მემორიალის ფინალურ მატჩს. გამარჯვებული გუნდი მოიპოვებს ტურნირის ჩემპიონის ტიტულს.

5. ჩატარების პირობები:

5.1. გუნდი ვალდებულია 2016 წლის 4 ოქტომბრამდე წარმოადგინოს განაცხადი დადგენილი ფორმით ორ ეგზემპლარად, რომელშიც შეყვანილი იქნება არა უმეტეს 16 მოთამაშე, მწვრთნელთა შტაბის არაუმეტეს 3(სამი) წარმომადგენელი და მედპერსონალის არაუმეტეს 3(სამი) წარმომადგენელი.

5.2. ყოველ თამაშში მონაწილეობის უფლება აქვს მხოლოდ ოქმში შეყვანილ მოთამაშეებს (12 კაცი), მაგრამ არაუმცირეს 10 მოთამაშისა.

5.3. ყოველ გუნდს უნდა ჰქონდეს ორი ფერის სპორტული ფორმა (ღია და მუქი), მოთამაშეთა მაისურებზე დასაშვებია ნომრები 00, 0-დან 99-მდე, ხოლო გვარი ქართული შრიფტით (უცხო ენაზე – “ს.კ.ე.ფ”-თან შეთანხმების შემთხვევაში). დამრღვევნი თამაშზე არ დაიშვებიან.

5.4. თამაშზე უცხოელი მოთამაშეების დაშვებასა და მოედანზე ყოფნასთან მიმართებაში მოქმედებს სუპერლიგის 2015/2016 სეზონის დებულებაში მითითებული წესი (4-მოთამაშე მატჩის განაცხადში, მოედანზე - მაქსიმუმ ერთდროულად 3-მოთამაშე)

6. დისციპლინარული დარღვევები

დისციპლინარული სასჯელის ზომას დებულებით დადგენილ ფარგლებში განსაზღვრავს “სადისციპლინო ტექნიკური კომიტეტი”

გუნდის წარმომადგენლებს: მოთამაშეებს, მწვრთნელებს, მწვრთნელთა თანაშემწეებს, სამედიცინო პერსონალს ეკისრებათ პასუხისმგებლობა ქცევის წესების დაცვაზე მატჩამდე, მატჩის მსვლელობისას და მატჩის დამთავრების შემდეგ. წესების დარღვევისათვის დადგენილია შემდეგი სასჯელები:

6.1 შეურაცხყოფა სიტყვით ან ქუსტით:

6.1.1 მსაჯების, კომისრის, მსაჯ-მდივნების, მეტოქის, მაყურებლის, თანაგუნდელის მიმართ, გუნდის წარმომადგენლები ერთმანეთის მიმართ – ჯარიმა **200(ორასი)-დან 500 (ხუთასი)** ლარის ფარგლებში და დისკვალიფიკაცია 2(ორი) –დან 4(ხუთი) თამაშამდე.

6.2 ფიზიკური შეურაცხყოფისთვის:

6.2.1 მსაჯების, კომისრის, მსაჯ-მდივნების მიმართ – ჯარიმა **800 (რვაასი)-დან 1500 (ათასხუთასი)** ლარის ფარგლებში და დისკვალიფიკაცია 5(ხუთი)-დან 10(ათი) თამაშამდე.

6.2.2 მეტოქის, მაყურებლის, თანაგუნდელის მიმართ, გუნდის წარმომადგენლები ერთმანეთის მიმართ – ჯარიმა **500(ხუთასი)-დან 800(რვაასი)** ლარის ფარგლებში და დისკვალიფიკაცია მინიმუმ 5(ხუთი)თამაშამდე.

6.3 ზემოთმოყვანილი სანქციები ვრცელდება ყველა ოფიციალურ შეჯიბრზე რომელიც ტარდება ს.კ.ე.ფ-ის ეგიდით, ხოლო თუ დისკვალიფიკაციის ვადა აღემატება მემორიალის ბოლომდე გათვალისწინებულ კალენდარული თამაშების რაოდენობას, დარჩენილი სასჯელი გადადის საქართველოს ჩემპიონატში, “სუპერლიგის” მატჩებზე.

6.4 იმ შემთხვევაში, თუკი გუნდი არ გამოცხადდება ან უარს იტყვის თამაშზე ან თამაშის გაგრძელებაზე: -პირველი დარღვევისათვის – გუნდს ჩაეთვლება წაგება „უფლების ჩამორთმევით“ და ჯარიმდება **3500 (სამიათასხუთასი)** ლარით.

-იგივე დარღვევის განმეორებისას – გუნდს ექლევა დისკვალიფიკაცია სეზონის ბოლომდე და ჯარიმდება **7000 (შვიდიათასი) ლარი**.

6.5 გუნდის ოფიციალური პირების (გუნდის ხელმძღვანელობა, მენეჯერი) არასპორტული ქცევა:

6.5.1 მუქარა, დაშინება ან არასპორტული ქცევა მეტოქის, მაყურებლის, მსაჯების, კომისრის ან მსაჯ-მდივანთა მიმართ – ჯარიმა **1000 (ათასი) ლარი**.

6.5.2 სეზონის განმავლობაში იგივე დარღვევის განმეორებისათვის – ჯარიმა **2000 (ორიათასი) ლარი**.

6.6 დისციპლინური დარღვევის შემთხვევები და მათ გამო გასატარებელი სასჯელები, რომლებიც არ არის მოყვანილი 22-ე მუხლში, განიხილება სკფ-ს გამგეობის მიერ.

6.7 განსაკუთრებულ შემთხვევაში სკფ-ს სადისციპლინო-ტექნიკური კომიტეტი უფლებამოსილია, თავის შეხედულებისამებრ, გაზარდოს სასჯელი დარღვევის სიმძიმის გათვალისწინებით.

6.8 გუნდის წევრებისათვის დაკისრებული, დებულებით გათვალისწინებული, ყველა სახის ჯარიმების გადახდა უნდა მოხდეს მომდენო თამაშამდე, წინააღმდეგ შემთხვევაში თამაშის კომისარს ეკრძალება მათი დაშვება მომდენო თამაშზე.

6.9 ზემოხსენებული ჯარიმების არადროულად გადახდაზე მთელი პასუხისმგებლობა ეკისრება გუნდის (კლუბის) ხელმძღვანელობას

7. ფინანსები:

საქართველოს კალათბურთის ფედერაცია გაიღებს შემდეგ ხარჯებს:

-სპორტული ბაზის იჯარა;

-მსაჯთა ბრიგადის მიერ თამაშების მომსახურებას;

-ჩამოსული გუნდის სამივლინებო ხარჯებს (გზა, სასტუმრო და კვება) გაიღებს მიმავლინებელი ორგანიზაცია.

8. საჩივრები:

8.1. განსახილველად მიღებული იქნება მხოლოდ ის საჩივრები, რომლებიც წარმოდგენილი იქნება კალათბურთის წესების დაცვის შესაბამისად. საჩივრის განხილვისთვის გუნდმა თანხა 500 (ორასი) ლარის ოდენობით უნდა შეიტანოს სკფ-ში. საჩივრის დაკმაყოფილების შემთხვევაში თანხა უბრუნდება გუნდს, წინააღმდეგ შემთხვევაში თანხა რჩება ფედერაციის ანგარიშზე.

9. დაჯილდოება

მემორიალზე გამარჯვებული გუნდი ჯილდოვდება დუდუ დადიანის სახელობის გარდამავალი თასით.